

伊川擊壤集






伊川擊壤集卷之五

後園即事二首 嘉祐八年

太平身老復何憂。景愛家園自在遊。幾樹綠楊陰乍合。
數聲幽鳥語方休。竹侵舊徑高低迸。水滿春渠左右流。
借問主人何似樂。荅云殊不異封侯。

天養踈慵自有方。洛城分得水雲鄉。不聞世上風波險。
但見壺中日月長。一局閑碁留野客。數盃醇酒面脩篁。
物情悟了都無事。未學顏淵已坐忘。

年來得疾號詩狂。每度詩狂必命觴。樂道襟懷忘檢束。
任真言語省思量。賓朋款密過從久。雲水優閑興味長。



始信淵明深意在。北窻當日比羲皇。

觀棊長吟

院靜春深畫掩扉。竹間閑看客爭棊。搜羅神鬼聚曾臆。措致山河入範圍。局合龍蛇成陣鬪。劫殘鴻雁破行飛。殺多項羽坑秦卒。敗劇符堅畏晉師。座上戈鋌嘗擊搏。面前冰炭旋更移。死生共抵兩家事。勝負都由一着時。當路斷無相假借。對人湏且強推辭。腹心受害誠堪懼。唇齒生憂尚可醫。善用中傷為得策。陰行狡獪謂知機。請觀今日長安道。易地何嘗不有之。

秋日登崇德閣一首

無限英賢抑壯圖。登臨不用起長吁。山川千古戰爭後。冠劍百年零落餘。浪把功名為己任。那知富貴豈人謀。丹青曲盡世間妙。寫得凭欄意思無。一百年來號太平。當初仍患不丁寧。京都尚有漢唐氣。宮闕猶虛霸王形。煙外亂峯繞隱約。霜餘紅樹半凋零。樽中有酒難成醉。旋被西風吹又醒。

秋日飲後晚歸

水竹園林秋更好。忍把芳樽容易倒。重陽已過菊方開。情多不學年光老。陰雲不動揚柳低。風遞輕寒生暮草。無涯逸興不可收。馬蹄慢踏天街草。

寄陝守祖擇之舍人

記得相逢不。當時在海東。別離千里外。倏忽十年中。跡
異名尤異。心同齒更同。終期再清會。文酒樂無窮。

哭張元伯職方

近年老輩頻凋落。使我中心又惻然。洛社掛冠高卧者。
唯君清澈如神仙。昔日與君論少長。今日與君爭後先。
把酒酌君君必知。爲君洒淚西風前。

哭張師柔長官

生平志在立功名。誰謂才難與命爭。絕筆有詩形雅意。
蓋棺無地盡交情。曾中時事何由展。天下人才不復評。

竟若有知宜自慰。子孫大可振家聲。

和登封裴寺丞翰見寄

治平三年

陋巷簞瓢世所傳。予何人則恥蕭然。既知富貴須由命。
難把升沉更問天。靜默有功成野性。騫驥無路學時賢。
紛華出入金門者。應笑溪翁治石田。

何事吟寄三城富相公

何事教人用意深。出塵些子索沉吟。施爲欲似千鈞弩。
磨礪當如百鍊金。釣水誤持生殺柄。着棊閑動戰爭心。
一盃酒美聊康濟。林下時時或自斟。

代書寄友人

當年有志高天下。嘗讀前書笑謝安。豈謂此身甘老朽。
尚無閑地可盤桓。某逢敵手纔堪着。琴少知音不願彈。
非止不才能退默。古賢長恨得時難。

訪姚輔周郎中月陂西園

相憶不可過。西街來訪時。交橫過溝水。隙曲遠疏畦。樹
偃低頭避。筇高換手持。朋遊相得甚。何樂更如之。

依韻謝登封劉李裴三君見約遊山

諸公見約往高前。重走新詩各一篇。擺落塵埃非敢後。
訪尋雲水奈輸先。三陽宮近叢幽石。萬歲峯高罽紫煙。
多少勝遊俱未到。願陪仙躡共攀緣。

登嵩頂

九州環遶若棊枰。萬歲嵩高看太平。四海有人能統御。
中原何復有交爭。長憂眼見姦雄輩。且願身為堯舜氓。
五十三年蕪沒事。如今方喜看春耕。

登封縣宇觀少室

天地始融結。此山已高極。群峯擁旌幢。巨石羅劍戟。日
出崖先紅。雨餘嵐更碧。安知無神仙。其間久遁迹。

山中寄登封令

初離縣日謀經宿。既到山中未忍廻。公宇若無民事決。
願攜茶器上山來。

歸洛寄鄭州祖擇之龍圖

恩深骨髓謂慈親。義重丘山是故人。歸過嵩陽舊遊地。白雲收得薜蘿身。

和祖龍圖見寄

吾家職分是雲山。不見雲山不解顏。遊興亦難拘日限。夢魂都不到人間。煙嵐欲極無涯樂。軒冕何嘗有暫閑。洛社交朋屢相約。幾時曾得略躋攀。

緣飾吟

緣飾了時稱好手。作為成處似真家。須防冷眼人觀覷。傀儡都無帳幕遮。

自况二首

名利場中難着脚。林泉路上早迴頭。不然半百殘軀體。正被風波汨未休。

滿天風月為官守。遍地雲山是事權。唯我敢開無意口。對人高道不妨言。

每恨性昏聞道晚。長慙智短適時難。人生二萬六千日。二萬日來身却閑。

偶書

紛紛議論出多門。安得真儒號縉紳。名教一宗長有主。中原萬里豈無人。皇王帝伯時雖異。禮樂詩書道自新。

觀古事多今可見不知何者謂經綸

代書寄商洛令陳成伯

此去替期猶半歲商山窮僻少醫名感傷多後氣防滯
成伯悼亡暑濕偏時疾易生聖智不能無蹇剝賢才方善處
哀榮斯言至淺理非淺少補英豪一二明

治平丁未仲秋遊伊洛二川六日晚出洛城

西門宿奉親僧舍聽張道人彈琴

向晚驅車出上陽初程便宿水雲鄉更聞數弄神仙曲
始信壺中日月長

七月溯洛夜宿延秋莊上

八月延秋禾熟天農家富貴在豐年一簞雞黍一瓢酒
誰羨王公食萬錢

八日渡洛登南山觀噴玉泉會壽安縣張趙
尹三君同遊

渡洛南觀噴玉泉千峯萬峯遙相連中間一道長如雪
飛入寒潭不記年

九日登壽安縣錦幘山下宿邑中

煙嵐一簇特崔嵬到此令人心自灰上有神仙不知姓
洞門閉倚白雲開

並轡西遊疊石溪斷崖環合與雲齊飛泉亦有留人意

肯負他年向此樓

疊石溪在縣南五六里

十日西過永濟橋

唐橋名

猶恐行人欠翠微
十日西行過永濟時時細雨濕衫衣多情會得山神意

過宜陽城二首

六國區區共事秦波於奔命尚難親如何殺盡半天下
豈是關東沒一人

當日宜陽號別都奈何韓國特區區子房不得宣遺恨
博浪沙中中副車

十一日福昌縣會雨

雲勢移峯緩泉聲出竹遲此時無限意唯有翠禽知

依韻和壽安尹尉有寄

不向紅塵浪着鞭殊無才業合時賢本酬壯志都無效
欲住青山却有緣翠竹陰中開縹帙白雲堆裏掛飛泉
錦幘正與溪南對他日從遊子子傳

十二日同福昌令王贊善遊龍潭

潭在南山去縣十五里

長恐雷霆奮於側
二潭冷浸崖根黑數峯高入雲衢碧遊人屏氣不敢言

水邊靜坐天將暮猶自盤桓未成去馬上迴頭更一觀
雲煙已隔無重數

十三日遊上寺

在縣北

及黃澗

在縣西

能休塵境為真境。未了僧家是俗家。不向此中尋洞府。更於何處覓藏花。

堪嗟五伯爭周燼。可笑二分拾漢餘。何似不才閑處坐。平時雲水遶衣裾。

十四日留題福昌縣宇之東軒

洛川秋入景尤佳。微雨初過徑路斜。水竹洞中藏縣宇。煙嵐塢裏住人家。霜餘紅間千重葉。天外晴排數縷霞。溪淺溪深清漱灑。峯高峯下碧查牙。鳥因擇木飛還遠。雲為無心去更除。蓋世功名多澗澗。出群才業足咨嗟。

浮生日月仍須惜。半老筋骸莫強誇。就此巖邊宜築室。樂吾真樂樂無涯。

十五日別福昌因有所感

連昌宮廢昌河在。事去時移語浪傳。下有荒祠難問處。古槐枝秃竹參天。

是夕宿至錦幘山下

尋常看月亦嬋娟。不似今霄特地圓。疑是素娥紆宿憾。相逢為在錦幘前。

十六日依韻酬福昌令有寄

道義相歡豈易親。古稱難處是知人。文章不結市朝士。

榮辱非關雲水身。話入精詳皆物理。言無形跡盡天真。
他時洛社過從輩。圖牒中添又一鄰。

十七日錦嶰山下謝城中張孫二君惠茶

山似接監波似染遊心一向難拘檢仍攜二友所分茶
每到煙嵐深處點

壽安縣晚望

休歎浮生榮與辱且聽終日水潺潺遙穿暝靄孤鴻去
橫截野煙雙鷺還佳樹又作老木排青巖下圃好峯環翠縣
前山報言名利差輕者少輟光陰到此間

十八日逾牽羊坂南達伊川嶺上

三尺荒墳百尺山生身慈愛在其間此情至死不能盡
日暮徘徊又且還

思程氏父子兄弟因以寄之

年年時節近中秋佳水佳山爛熳遊此際歸期爲君促
伊川不得久遲留

氣候如當日山川似舊時獨來還獨往此意有誰知

十九日歸洛城路遊龍門

伊川往復過龍山每過龍山意且閑莫道移人不由境
可堪深着利名閒

無煩物象弄精神世態何常不喜新唯有前墀好風月

清光依舊屬閑人

留題龍門

融結成來不記秋。斷崖蒼壁鏤煙愁。中分洪造夏王力。
橫截大山伊水流。八節灘聲長在耳。一川風景盡歸樓。
行人莫動凭欄興。無限英雄浪白頭。
誰將長劍斬長蛟。斬斷長蛟劍復鞘。爪尾蜿蜒凝華嶽。
角牙獍惡結嵩高。骨傷兩處斬蒼壁。血出東流洶巨濤。
此物猶難保身首。謂言讒口莫嗷嗷。

龍門石樓看伊川

數朝從款走煙霞。縱意凭欄看物華。百尺樓臺通鳥道。

一川煙水屬僧家。直須心逸方爲樂。始信官榮未足誇。
此景得遊無事日。也宜知幸福無涯。

二十日到城中見交舊

年年此際走煙嵐。人亦何常謂我貧。歸見交親話清勝。
且無防患在三緘。

二十二日晚步天津次日有詩

溪翁昨晚步天津。步到天津佇立頻。洛水只聞煎去棹。
西風唯解促行人。山川慘淡籠寒雨。樓觀參差鏤暮雲。
此景分明誰會得。欲霜時候鴈來賓。

二十五日依韻和左藏吳傳正寺丞見贈

上陽光景好看書。非象之中有坦途。良月引歸芳草渡。
快風飛過洞庭湖。不因赤水時時往。焉有黃芽日日娛。
莫道天津便無事。也須閑處著功夫。
邵堯夫故有是句
來詩云從此天津南畔景不教都屬

二十九日依韻和洛陽陸剛叔主簿見贈

一霎蕭蕭。晚雨餘。鳳凰樓下偶驅車。郗詵片玉知能挹。
樂廣青天幸未踈。相闊夏秋聞其事。可親燈火讀何書。
恨無束帛嘉程子。徒自悄悄返弊廬。

伊川擊壤集卷之五

伊川擊壤集卷之六

代書寄劍州普安令周士彥屯田

作官休用歎奚為。未有升高不自卑。君子屈伸方為道。
吾儒進退貴從宜。即今彭澤歸何地。他日東門去未遲。
痛恨伊高景無限。一名佳處重求資。

二蜀至三吳。中間萬里餘。去年方北望。今歲復西驅。劍
閣離天日。秦川限帝都。臨風相憶處。能飲一盃無。

又一絕

正當耆輩過從日。况值高秋搖落天。一把黃花一樽酒。
故人西去又經年。

和趙充道秘丞見贈

人言人事危冠冕。吾愛吾廬遠市朝。野面不堪趨魏闕。
閑身唯稱訪揚寥。殊無紀律詩千首。富有雲山酒一瓢。
預借軒車又東去。自茲風月恐難招。

和王不疑郎中見贈

二十年來住洛都。眼前人事任紛如。形同草木何勝野。
心類鍾彝不帝虛。已沐仁風深骨髓。更驚詩思劇瓊瑤。
莊周休道虧名實。自是無才悅衆狙。

和魏教授見贈

清世文章日月懸。無才唯幸樂豐年。遊山太室更少室。

看水伊川又洛川。古有孟軻難語覺。時無顏子易為賢。
讀書每到天根處。長懼諸公問極玄。

和吳冲卿省副見贈

非有非無是祖鄉。都來相去一毫芒。人人可到。我未到。
物物不妨。誰與妨。失即肝脾為楚越。得之藜藿是膏粱。
一言千古難知處。妙用仍須看吕梁。

和孫傳師秘校見贈

天津南畔是吾廬。時荷夫君枉乘車。始為退來忘檢束。
却因閑久長空疎。與其功業。逋青史。孰若雲山負素書。
一片丹誠最難狀。庶幾長得類舟虛。

依韻和陳成伯著作長壽雪會

瓊苑群花一夜新。瑤臺十二玉爲塵。城中竹葉湧增價。坐上楊花盛學春。時會梁園皆墨客。誰思姑射有神人。餘糧豈止千倉望。盈尺仍宜莫厭頻。

依韻和陳成伯著作作史館園會上作

竹遶長松松遶亭。令人到此骨毛清。梅稍帶雪微微折。水脉連冰澹澹鳴。殘臘歲華無柰感。半醺襟韻不勝情。誰憐相國名空在。吾道如何必可行。

和夔峽張憲白帝城懷古

不憤曹公跨許昌。苟非梁益莫爭王。三分區宇風雷惡。

橫截西南氣勢強。行客往來閑拍點。史官褒貶浪文章。後人未識興亡意。請看江心舊戰場。

閑適吟 熙寧元年

爲士幸而居盛世。住家况復在中都。虛名浮利非我有。綠水青山何處無。選勝直宜尋美景。命儔須是擇吾徒。樂閑本屬閑人事。又與偷閑事更殊。

六尺眼前安樂身。四時爭忍負佳辰。溫涼氣候二八月。道義賓朋三五人。量力盃盤隨草具。開懷語笑任天真。勸君似此清閑事。雖老何須更厭頻。

莫將真氣助憂傷。憤死英雄世更長。陌上雖多馬跳躍。

天邊亦有鳳翱翔三千賓客磨圭角百二山河擁劍鎗
等是一場春夢過自餘惡足更悲涼

南窗睡起望春山山在霏微煙靄間千里難逃兩眼淨
百年未見一人閑情如落絮無高下心似遊絲自往還
又恐幽禽知此意故來枝上語綿蠻

誰將造化屬東風一屬東風事莫窮殘臘也宜先作策
新正其那便要功柳梢借暖渾搖軟梅萼偷春半露紅
安得曩時情意在輕衫撩亂少年中

桃李吟

桃李因風花滿枝因風桃李却離披慘舒相繼不離手

憂喜兩般都在眉泰到盛時湏入盡不啻極處却成隨
今人休愛古人好只爲今人生較遲

傷心行

不知何鐵打成針一打成針只刺心料得人心不過寸
刺時須刺十分深

傷二舍弟無疾而化

二首

手足情深不可忘割心猶未比其傷急難疇昔爾相濟
終鮮如今我遂當韡韡棣開無並萼嗚嗚鴈去破初行
自茲明月清風夜蕭索東籬看斷腸

二弟殯東籬下後得渠重九詩云衣

如當月白花似昔年黃疑問東籬事東籬事渺茫話類識

賜斷東籬何所尋。東籬從此事沉沉。差肩行處皆成往。
弔影傷時無似今。清淚已乾情莫極。黃泉未到恨非深。
不知何日能銷盡。二十二年雍睦心。

又一首

兄既名雍弟名睦。弟兄雍睦情何足。吾常出入留一人。
奉親教子如其欲。慈父享年七十九。四人稚子常相逐。
其間同戲綵衣時。堂上愉愉歡可掬。慈父前年忽傾逝。
爾弟今年命還促。獨子奉母引四子。日對几筵相向哭。
不知腸有幾千尺。不知淚有幾千斛。斷盡滴盡無奈何。
晷日恩光焉可贖。

又一絕

手足恩情重。墳塋歡樂長。要知能忘處。墳草兩荒涼。

聽杜鵑思亡弟

嘗憶去年初夏時。與爾同聽杜鵑啼。杜鵑今年又復至。
還是去年初夏時。禽鳥亦知人意切。一聲未絕一聲悲。
腸隨此聲既已斷。竟逐此禽何處飛。

書亡弟殯所

後乎吾來。先乎吾往。當往之初。殊不相讓。

南園南晚步思亡弟

南園之南草如茵。迎風晚步清無塵。不得與爾同歡欣。

又疑天上有飛雲。一片世間來。作人飄來飄去。殊無因。

自憫

天無私覆。古今同。手足情多驟一空。五七年來。併家難。六十歲許。更頭風。常情不免順世俗。私計固難專。僕童安得仙人舊。查在伊川雲水樂無窮。

戊申自貽

雖老仍思鼓缶歌。庶幾都未喪天和。明夷用晦止于是。无妄生災終奈何。似箭光陰頭上去。如麻人事眼前過。中間若不自為計。所損其來又更多。

代書寄北海幕趙充道太博

熙寧二年

自從終鮮罷吟哦。聊為臨風一浩歌。別易會難情不已。登高望遠興如何。百年可惜時無再。千里相思事更多。今日樽壘真北海。况君雅重幾人過。

依韻和王不疑少卿見贈

不把憂愁累物華。光陰過眼疾如車。以平為樂忝知分。待足求安恐未涯。食罷有時尋蕙圃。睡餘無事訪僧家。天津風月勝他處。長是思君共煮茶。

仁者吟

仁者難逢思有常。平居慎勿恃無傷。爭先徑路機關惡。近後語言滋味長。爽口物多須作疾。快心事過必為殃。

與其病後能求藥。不若病前能自防。

東軒消梅初開勸客酒二首

為愛消梅勝早梅。數枝先發日徘徊。若教嶺表臘前盡。安有洛陽正後開。香逐暖風初出谷。艷隨芳酒正浮醅。佳賓會取東君意。莫負乘春此際來。

春色融融滿洛城。莫辭行樂慰平生。深思賢友開眉笑。重惜梅花照眼明。况是山翁老好事。可憐芳酒最多情。此時不向樽前醉。更向何時醉太平。

清風長吟

宇宙中和氣清冷。無比方與時。蠲疾病為歲造。豐穰起

自青蘋末。來從翠樹傍。得逢明月夜。便入故人鄉。密葉搖重幄。殷花舞靚粧。兩三聲匏笛。千萬縷垂楊。細度絲桐韻。深傳蘭蕙香。樓臺臨遠水。軒檻近脩篁。盛夏驅煩暑。初晴送晚涼。輕披綠荷芰。緩透薄衣裳。浪走翩翩袂。波生潏灩觴。閑愁難著莫。幽思易飛揚。快若乘天馬。醒如沃蔗漿。面前遊閬苑。坐上泛瀟湘。不可將錢買。焉能用斗量。依憑全藉德。收貯豈須倉。無患兼并取。寧憂寇盜攘。以茲為樂事。未始有憂傷。

垂柳長吟

垂柳有兩種。有長有短垂。唯茲長一種。偏與靜相宜。院

宇深春後。亭臺晚景時。不勝煙霧暮。無奈日遲遲。霰霖
雨初過。清冷風乍吹。章臺街左右。華表柱東西。起眼出
墻樹。拂頭當路枝。翩翩綠羅帶。縹緲綾金衣。蕩颺飄晴
絮。繽紛舞暖絲。絲牽寸腸斷。絮入萬家飛。婀娜王恭韻。
婆娑趙后姿。脩妍張緒少。柔軟沈侯羸。濯濯青拖地。氍
毹翠遶池。般添花灼灼。引惹草萋萋。鬱鬱龍山館。踈踈
映酒旗。贈人。人自泣。駐馬馬還嘶。影裏啾啾去。陰中輓
輓歸。淒涼裝。暝靄淡。薄掛斜暉。懊惱輕攀折。憂愁重別
離。早衰緣。傍道先茂為。臨溪樓外蟬。繞噪橋邊鷺。又啼
生憎遮望眼。死恨學粧眉。遠客莫知數。長條曾繫誰。經

霜儘憔悴。來歲却依依。

落花長吟

以酒戰花穠。花穠酒更濃。花能十日盡。酒木百壺空。尚喜
裝衣袂。猶憐墜酒鍾。多情唯粉蝶。薄倖是遊蜂。減却墻頭
艷。添為徑畔紅。飄零深院宇。點綴靜簾籠。又恐隨流水。仍
憂嫁遠風。水流猶委曲。風遠便西東。狼籍殘春後。離披晚
照中。亭臺雖有主。軒騎斷無蹤。劍去擁妃子。兵來圍石崇。
馬嵬方恋恋。金谷正匆匆。曹植辭休切。襄王夢已終。謬稱
尋洛浦。浪說數巫峯。燕訴冤還在。鷺傳信莫通。苔錢如可
買。柳線自能縫。悵望尤真宰。淒涼帶化工。放教成爛後。不

使略從容。命掃心爭刃。言收計遂窮。異香銷骨髓。絕色死
英雄。任說回天力。饒矜蓋世功。奈何時既往。到了事難重。
開謝形相戾。興衰理一同。天機之淺者。未始免忡忡。

芳草長吟

芳草更休生。芳樽更不傾。草如生不已。樽豈便能停。雨
後閑池閣。春深小院庭。是時簾半捲。此際酒初醒。密密
嫩方布。茸茸綠已成。送迴殘照淡。引起曉寒輕。靜襯花
村薄。閑裝竹塢清。溪邊微水浸。原上未春耕。莫遣香車
輾。休教細馬行。藉餘無限意。望久不勝情。臺迥眉初斂。
樓危眼乍明。低低暮雲重。隱隱遠山青。翠接鴛鴦浦。萋

連楊柳汀。江潭夜帆落。海渚晚舟橫。戍壘角一弄。牧童
笛數聲。沙頭雙鷺下。渡口亂鴻驚。翳鬱出征地。羊綿奉
使程。遠披來往路。遍遶短長亭。冉冉秦皇墓。離離漢帝
城。荒涼故銅雀。破碎舊金陵。霧鎖前朝事。煙昏後世名。
枯猶藏狡兔。腐亦化流螢。縱刻奚由盡。縱燒又却榮。徒
能蔽京觀。仍願且升平。

春水長吟

春在水自淥。春歸淥遂休。清非不逮淥。春奈勝于秋。淥
向陽中得。清於冷上求。加於清一等。用是淥爲優。薄薄
冰初泮。微微雨乍收。渺瀰新島嶼。潏灑舊汀洲。荷芰低

猶卷菰蒲嫩已抽蘋繁雖漸出藻荇未全稠日暖鴛鴦
浴煙晴翡翠游波平躍雙鯉風靜戲群鷗西蜀遨爭舉
東甌楔競修武陵花再識漢曲珮還投臺下溶溶過堤
邊漫漫流檻前纔泚泚天外更悠悠泛濫情懷惡潺湲
意思幽遠山遮不斷一作別浦去難留二月溪橋畔三
吳野渡頭依前橫兩槩特地送孤舟畫手方停筆騷人
正倚樓長江飛絮外只是動離愁

花月長吟

少年貪讀兩行書人世樂事都如愚而今却欲釋前憾
奈何意氣難如初每逢花開與月圓一般情態還何如

當此之際無詩酒情亦願死不願甦花逢皓月精神好
月見奇花光彩舒人與花月合為一但覺此身遊藥珠
又恐月為雲阻隔又恐花為風破除若無詩酒重收管
過此又却成輕辜可收幸有長詩篇可管幸有清酒壺
詩篇酒壺時一講長如花月相招呼有花無月愁花老
有月無花恨月孤月恨只憑詩告訴花愁全仰酒支梧
月恨花愁無一點始知詩酒有功夫些兒林下閑踈散
做得風流罪過無

同府尹李給事遊上清宮

洛城二月春搖蕩桃李盛開如步障高花下花紅相連

垂楊更出高花上。閑陪大尹出都門。邛阜真官共尋訪。
不見翠華西幸時。臨風盡日獨惆悵。

乞笛竹栽於李少保宅

浪種閑花占地生。未嘗容易暫留情。奈何苦愛凌霜節。
一作物况是猶存縷管名。待鳳至時當有實。學龍吟處豈
無聲。幽人願乞數枝種。得自君家又更榮。

思山吟

看即青山與白雲。尋思沒量大功勳。未知樂處緣何事。
豈止飢時會茹葷。千首拙詩難着怨。一樽芳醪別涵春。
壺中日月長多少。能老紅塵幾輩人。

祇恐身閑心未閑。心閑何必住雲山。果然得手情性上。
更肯埋頭利害間。動止未嘗防忌諱。語言何復着機關。
不圖為樂至于此。天馬無蹤自往還。

恨月吟

我儂非是惜黃金。自是常娥愛負心。初未上時猶露滴。
恰纔圓處便天陰。攔干倚了還重倚。芳酒斟廻又再斟。
安得深閨與收管。奈何前後誤人深。

愁花吟

三千宮女衣宮袍。望幸心同各自嬌。初似綻時猶淡薄。
半來開處特妖嬈。檀心未吐香先發。露粉既垂魂已銷。

對此芳樽多少意。看看風雨騁麈豪。

觀洛城花呈先生

門人張嶠

平生自是愛花人。到處尋芳不遇真。祇道人間無正色。今朝初見洛陽春。

和張子望洛城觀花

造化從來不負人。萬般紅紫見天真。滿城車馬空撩亂。未必逢春便得春。

落花短吟

滿園桃李正離披。更被狂風非意吹。長是憂愁初謝處。却須思念未開時。奈何紅艷易消歇。不似青陰少改移。

九十日春都去盡。樽前安忍更頻舉眉。

芳草短吟

花間水畔綠如茵。興廢曾經漢與秦。占了山川無限地。愁傷今古幾何人。嚴霜殺盡還逢雨。野火燒殘又遇春。不那路傍多此物。農家長是費耕耘。

垂柳短吟

臨溪拂水正依依。更被狂風來往吹。薄暮不勝煙幕。深春無奈日遲。誰家縹緲青羅帔。何處蹁躑金縷衣。猶恐離人腸未斷。滿天仍着亂花飛。

春水短吟

零消水泮淥盈溝。翡翠鴛鴦得志秋。長恨遠山遮不斷。
又疑別浦去難留。遠堤楊柳輕輕拂。近岸新蒲細細抽。
滿眼煙波杳無際。二吳特地送孤舟。

清風短吟

清風興况未全衰。豈謂天心便棄遺。長具齋莊緣讀易。
每慙踈散爲吟詩。人間好景皆輸眼。世上閑愁不到眉。
生長太平無事日。又還身老太平時。

暮春寄李審言龍圖

年年長是怕春深。每到春深病不任。傷酒情懷因小會。
養花天氣爲輕陰。歲華易革向來事。節物難迴老去心。

唯有前軒堪靜坐。臨風想望舊知音。

初夏閑吟

綠楊深處轉流鶯。語猶能喜太平。人享永年非不幸。
天生珍物豈無情。牡丹謝後紫櫻熟。芍藥開時斑笋生。
林下一般閑富貴。何嘗更肯讓公卿。

代書答開封府推官姚輔周郎中

世態其如與願違。必須言進是無知。遍將底事閑思處。
不若西街極論時。設有詩不能動世。奈何双鬢已如絲。
天邊新月從來細。不爲人間愛畫眉。

來書曰云願先生自愛恐不容久居林

矣下

伊川擊壤集卷之六

福歸

福歸

福歸

福歸

福歸

